

集



05192

切問齋集卷第九

書後

書張嘯蘇天人篇後

嘯蘇名鈴，字澤人，高郵人。乾隆庚寅舉人。

天人一氣呼吸感通，益見修吉悖凶，惟人自取。今人

行一善事，卽期福報久之寂然，謂天果夢夢不以厝

意也。然見作惡之人，曾不旋踵顯受殃禍，又謂天之

報施似急於瘳惡而緩於彰善者，不知人有望報之

一念，卽日降之福而常見其不足，猶人血肉榮衛日

受滋養而初不知感及內有臟腑之憂，外有瘡瘍之

切問齋集卷九

疾藥餌鍼砭攻救並施，如所謂毒疽潰癰決而去之

不惜者，然後知向者之飲食起居晏然無事，皆所以

報其無病之軀，天之降福於人猶是矣。豈曰緩於彰

善哉？第善亦有辨，苟非讀書窮理，將日從事於不善

以爲善爲之愈力，不善之及人愈遠，天之欲決而去

之，當不啻其毒疽而潰癰也。如教子弟之徒以詞章

功利待朋友之徒以聲氣黨援，事上官之徒以逢迎

餽問治百姓之徒以寬縱因循，凡人之所謂爲善，皆

天之所謂不善，以是而責報於天安有不爽焉者。然

則人宜朝文自省曰吾之所爲其母乃爲疽爲癰爲天所欲決而去者乎而奈何飲食起居猶得晏然無事乎如是則不善之途塞望報之念消天人感應之理真見如心之主宰乎四肢百骸而不可遺矣

附天人篇

天之所以成形者氣爲之也人之所以成質者亦氣爲之也人既有是氣必有主宰乎是氣者則心爲之也心也者妙萬物而爲言者也正目而不見其形傾耳而不聞其聲而實流行於四肢百骸而不可遺也夫以人而視天氣之至微者也以至微之氣而猶有主宰者存豈太虛之廣遠大化之幽深而謂無物焉以主宰之無是理也程子曰以其主宰而言謂之帝固非路遠言妖如泰西之所述然陰陽統會之處造化微妙之所無臭無聲必有元精焉以爲之主宰不可誣也或曰然則天人感應之故皆是主宰者有以察之故或則培之而或則覆之也曰無庸也天人一體者也何以明其然也三才萬物統體一太極也形而上者一理之充

周形而下者則一氣之融結也天之所以成形成者是氣也入之所以成質者亦是氣也氣猶水也魚之游於江海也噓吸而吞吐魚腹之水卽江海之水也離之而無可離畫之而無可畫也其感應之不爽也理有以相通卽氣有以相觸也如心之於四肢百骸也一髮之痛心必覺之一肢之癢心必知之降祥降殃是以捷如影響也詩曰昊天曰明及爾出王昊天曰旦及爾游衍及之云者言乎其體之一本也而人之自絕於天者見爲己之身也

切問齋集卷九

三

不知其爲天之神也縱嗜欲蔑禮義喪志伐性所以病乎天之身者無所不至在天方悄然以悲惻然以痛而彼昏不知且謂天道夢夢於我何有也不亦大可哀耶嗚呼古聖人於天人之際三致意焉蓋欲人知其體之本一耳不悟其體之爲一而幽獨之中可以惟我所爲其甚者遂至爲天所絕而忍降之割如毒疽潰癰雖一身之物亦有時決而去之不復惜可不懼哉

書張耳陳餘傳

張良之先五世相韓非不貴介也而納履於圯上老人韓信爲布衣時好帶刀劍非不雄猛也而見辱於淮陰少年荆軻好讀書擊劍嘗以其說干衛元君非不壯往也而目攝於蓋聶則逃受叱於魯勾踐則又逃極而言之則又有秦始皇之恣睢而身下於尉繚漢高祖之慢罵無禮而輟洗於酈生藺相如之面折強秦聲振鄰國而引車以避廉頗忍之爲功於人豈不大哉方耳餘爲里監門里令管餘餘欲起耳躡之

切問齋集卷九

四

使受令去耳曰始吾與公言何如今見小辱而欲死一吏乎其後兩人交惡餘不忍耳之爲王而已爲侯也卒爲耳制死於泚水之上此一忍一不忍而效決於數十年之後嗚呼今人有小利害得失而悒悒不已可不懼哉可不戒哉

世劍心平賊神汝能書擊險嘗也其爲于常武吾非人韓信爲布衣時好帶刀劍非不雄猛也而見辱於淮陰少年荆軻好讀書擊劍嘗以其說干衛元君非不壯往也而目攝於蓋聶則逃受叱於魯勾踐則又逃極而言之則又有秦始皇之恣睢而身下於尉繚漢高祖之慢罵無禮而輟洗於酈生藺相如之面折強秦聲振鄰國而引車以避廉頗忍之爲功於人豈不大哉方耳餘爲里監門里令管餘餘欲起耳躡之

一切不道而但曰允執其中四海困窮天祿永終嗚呼聖人之所以爲學者何其平易而可循也今之君子則不然聚賓客門人之學者數十百人譬諸草木區以別矣而一皆與之言心言性舍多學而識以求一貫之方置四海之困窮不言而終日講危微精一之說是必其道之高於孔子而門弟子之賢於子貢也是時姚江之學猶盛故顧氏激論如此今此風亦稍衰矣然猶執原性一篇妄議古人故特述歐顧兩家之說以爲讀昌黎集者擇焉

切問齋集卷九

七

此書稱爾雅疏曰甲至癸爲十日日爲陽寅至丑爲十二辰辰爲陰此二十二名古人用以紀日不以紀歲歲則自有闕逢至昭陽十名爲歲陽攝提格至赤奮若十二名爲歲名後人謂甲子歲癸亥歲非古也自漢以前初不假借史記歷書太初元年年名焉逢攝提格月名畢聚日得甲子夜半朔旦冬至其辨晰如此若呂氏春秋敘意篇維秦八年歲在涪灘秋甲子朔賈誼鵬賦單闕之歲兮四月孟夏庚子曰斜兮

切問齋集卷九

八

服集子舍許氏說文後序粵在永元困敦之年孟陬之月朔日甲子亦皆用歲陽歲名不與日同之證漢書郊祀歌天馬徠執徐時謂武帝太初四年歲在庚辰兵誅大宛也自經學日衰人趨簡便乃以甲子至癸亥代之子曰觚不觚此之謂矣近寶應王白田先生懋竑非之曰按書詩春秋傳國語戰國策其紀年雖不以甲子而亦無有以闕逢攝提格爲歲名者惟呂氏春秋有歲在涪灘賈誼鵬賦有單闕之歲之語疑出於戰國時星家別爲之名故史記歷書以是紀

公寵崔公烈胡公廣王公龔楊公彪荀公爽皇甫公
嵩董公卓曹公操非其在三公之位則無有書公者
三國志若漢之諸葛公亮魏之司馬公懿吳之張公
昭顧公雍陸公遜晉書若衛公瓘張公華王公導庾
公亮陶公侃謝公安桓公溫劉公裕之類非其在三
公之位則無有書公者史至於唐而書公不必皆尊
官洎乎今日誌狀之文人人得稱之矣何其濫與又
曰沙門亦有稱公者必以其名冠之深公法深也林
公道林也遠公惠遠也澄公佛圖澄也安公道安也

切問齋集卷九

十一

什公鳩摩羅什也當時之人嫌於直斥其名故加一
公字梁陳以下僧乃有字而人相與字之字之則不
復公之矣江西王于一猷定曰據云非三公不得稱

公然楚葉公白公皆大夫也而稱公此而爲僭則齊
亦有棠公矣齊未嘗稱王而其臣得稱公何與如以
爲楚之邑邊吳而特重其號則吳亦邊楚何以不重
其號耶此說之不能相通者漢高祖爲亭長時送徒
驪山中道多遁散謂衆曰公等皆去吾亦從此逝矣
此以卑稱公也呂公欲以女妻高祖其媼曰公常奇

題吳孝子永思卷

孝子名德翼前明海鹽人

自昔厚終之事豐儉不同同歸於葬下坎上墳陰爲野土固中國聖人之教也佛氏西來始有火化慈悲變爲酷烈流毒無窮孝子始迷終悔至行可尚後之攬者惟當助之悲哽以一悔得孝名恐益傷孝子之心矣

孝親題顧孝子孝行卷

懷木爲孝子名薇亦海鹽人刻繼母像像能言甘人

切問齋集卷九

三

刻木爲人木復能言理所不然事則有焉普願世人孝逮母存欲學丁蘭先閔子騫

小吳

讀香鼎當世之悲願以一前賢孝谷益爲孝子之要爲割然爲無陳孝子故殺絲神至行可尚發之世土固中國聖人之教也佛氏西來始有火化慈悲自昔厚終之事豐儉不同同歸於葬下坎上墳陰爲

卷七各處題詞即感聖人

題吳孝子永思卷

鄭漁仲嘗言古之學者索象於圖索理於書故人亦易爲學學亦易爲功後之學者雖圖卽書尚詞務說故人亦難爲學學亦難爲功旨哉斯言非圖固不足以爲學也然所圖一事而彼此有異同之說古今有因革之殊板刻流傳漫無區別研究不審遺誤滋多古之爲圖譜之學者常用數色以識別之如星官書巫氏以黃記甘氏以黑記石氏以朱記後雖不盡遵用而於三垣列宿北極北斗星之大綱及明大者並

切問齋集卷九

十四

用朱記黑次之黃又次之是猶有古法也他如本草綱目亦有朱字黑字之別其朱字者乃漢張仲景魏華佗所傳舊本謂之神農本經其墨字者乃梁陶隱居之所續增謂之名醫別品今坊刻李時珍本草概用黑字則非其舊矣至於九州輿地之圖或用黃色以爲河青色以爲江朱色以爲新附之版籍此可以資知今之學而尚不足於攷古蓋古者幅員廣狹隨時不同據今疆域遙溯古初則有東西異位南北乖方者淮南漢恭王氏著有閱史書約各按諸史前後

分爲十六圖先據方今郡縣朱筆繪寫而後以墨筆
就加古輿地於上使人開卷瞭然知今之某地在某
代爲某地或合或分或廢或置皆可以叅攷而得使
其付之坊人又將併爲一色不復可辨矣此書爲孝
廉施醴泉家所藏特書其後而還之

切問齋集卷九

五

蘇蘇編泉案祀蘇林香其氣而獻之

其竹之世人又雜繪爲一色不復可辨矣此書爲

外錄某題題合題分題刻題置吾臣以察文而辨

慈而古與賦賦主動人開卷瞭然知今之某地在某

分爲十六圖式表古今標識未華繪寫而後以墨筆

書記性

頭爲衆陽之會而腦其髓也以在府藏之外故其功能不見惟天方書言人知覺之用寓於內者曰總覺曰想曰慮曰斷曰記其位總不離於腦總覺者總統內外一切知覺而百體皆資之以覺者也其位寓於腦前想者於其已得之後而追想之以應總覺之用也其位次於總覺之後慮者卽其所想而審度其是非可否也其位寓於腦中斷者靈明果決而直斷其所慮之宜然者也其位次於慮後記者於凡內外之

切問齋集卷九

六

一切所見所聞所知所覺者而含藏之不失也其位寓於腦後余按內經素問但云肝藏魂心藏神脾藏意肺藏魄腎藏志又曰脾在志爲思腎在志爲恐靈樞經曰膻中爲氣之海腦爲髓之海髓海有餘則輕勁多力自過其度髓海不足則腦轉耳鳴脛痠眩冒目無所見懈怠安臥謂腦能覺想慮斷記不見於中國之書頗疑其說爲妄一日檢方氏以智通雅有謂我之靈臺包括縣宇記憶今古安置此者果在何處質而稽之有生之後資腦髓以藏受髓清者聰明易

記而易忘若印板之摹字髓濁者愚鈍難記亦難忘
若堅石之鐫文乃知天方此論不爲無理蓋人有所
領悟則顛其首若延而納之者有所思維則仰其首
若引而望之者有所籌度則俯其首若抑而取之者
有所斷決則挺項而起若勇往直任者有所存省則
側項而哦若緘秘不發者凡此皆腦之所使流露於
俯仰之間者也而記性之屬腦尤爲顯著昔天台齊
侍郎召南博學多聞號稱能記後因墜馬傷腦平生
所讀之書忘之殆盡夫傷腦而不能記則知能記之

切問齋集卷九

七

必屬腦矣而方書於健忘之證未嘗一言及於腦何

哉

我

我

我

我

我

我

我

善箴銘卷一
念之惡
人所競趨我姑勿往人所爭嗜我姑勿嘗侯門之客

人將以我為役金穴之奴人將以我為俘殘書數帙

白首嬉娛一目兩食舉室宴如行所知尊所聞寧

士之諤諤不為千人之諾諾吾奉執事之艱業習

上不阿中不隨音馱論語季隨季駒應入歌韻下不苛持是三者以

遊乎世其庶免於君子之訶

切問齋集卷九

文

思貽堂銘

父母存雖不肖之子有所畏懼而不敢恣父母歿遂
泰然自以為無忝而不知日近於無恥毋曰吾忠毫
髮之蒙責有邱山之重毋曰吾孝跬步之躁業隆箕
裘之紹勤於生事雖手足之力已殫尚當念前人締
構之艱儉於自奉雖口腹之養已嗇不可忘先世澹
泊之積讀聖賢書不讀雜書醫卜星命之類方為能讀父書
行仁義事不行邪事僧道巫祝之類是謂克行父事一念之
善顯揚之券一念之惡毀敗之橐人莫鑒於水而鑒

於人彼忘親而賤行辱身者曷嘗不爲笑於鄉鄰
筆銘
華之茂維實之疚汝寧爲樸毋以巧售

特火之力而沸其水卒折而足復誰之使

枕銘

爲夢爲囈莫能汝諱維汝司昏以昏寤寐

硯銘爲郁澄齋題

蓄之多研之徐澤不枯

切問齋集卷九

九

澄泥硯銘

大筆淋漓程邈李斯匪研之奇先人所貽

歛硯銘

夥之煤歛之石黃海二難樂數晨夕步之

小圓硯銘

聽金壺漏隨屬車塵出之掌握視草十春

紅絲硯銘爲錢異齋題

手割地肺質如馬肝元旣尙白墨亦磨人先生癡邪

匪牽絲之慕而珍此大赤矻矻窮年

紅絲小方硯銘爲巽齋題

布指付博舒掌量長是謂赤也爲之小肯貽笑於大方

歸裝惟書籍及淄川硯十方餘舟中無事終日

撫摩兒子繩網請各爲銘之

筆以日計墨以歲計一硯之守可以百世其一

烏乎進德在淵默烏乎修業在典籍戒之哉多言多

敗毋行所悔其二

一字之奇不足侈也千言之富未爲厚也君子盛德

切問齋集卷九

三

在躬行必稽其所敝言必慮其所終也其三

其質塊然其德淵然其處寂然其施爛然其四

於我乎濡染於我乎磨礱所成就者甚大而未嘗以

爲功嗚呼斯其有古君子之風者與其五

琴所以禁硯所以研閑邪存誠通幽極元其六紅絲硯

古之君子重以周見善必錄其業廣也有言必行其

辭修也其七

與其溺於詞也寧溺於淵溺於淵猶可援也溺於詞

不可殫也其八

疾耕力作居然素封士之子恒爲士農之子恒爲農

其九

屠龍刀修月斧以此磨厲鋒穎吐雕蟲刻楮吾無取

其十

不日堅磨不磷鉞尙穿桑維翰

其一

位置不頗處靜所以馭動容受不私塞體所以沛用

其十二

翻手覆手面面都有倒之顛之自公令之

其十三兩面硯銘

耕之力田不石惰乃瘠

其十四

切問齋集卷九

三

拈釜門上玉堂惟石友與偕臧

其十五



...

...

...

...

...

...

祝辭贊

禱龍神文

維年月日知山東濟南府事陸燿謹以清酌庶羞之奠告於龍神之靈曰惟神有興雲作雨之奇立槁噓枯之效是以官吏奉祀而唯謹百姓奔走而恐後也今茲濟南境內三冬乏雪春雨仍稀太守念此嗷嗷不遑甘食震雷一奮萬物昭蘇神力所加何生不育今宜雨而暘春行且盡信由太守失職殃及斯民神之聰明寧有差忒是用潔蠲禱告速霑甘霖感謝神

切問齋集卷九

十一

庶羣黎共賴惟神昭鑒尚饗

今宜雨而暘春行且盡信由太守失職殃及斯民

神之聰明寧有差忒是用潔蠲禱告速霑甘霖感謝神

不遑甘食震雷一奮萬物昭蘇神力所加何生不育

今茲濟南境內三冬乏雪春雨仍稀太守念此嗷嗷

不遑甘食震雷一奮萬物昭蘇神力所加何生不育

今茲濟南境內三冬乏雪春雨仍稀太守念此嗷嗷

禱龍神文

祝辭贊

禱城隍文

維年月日知山東濟南府事陸燿謹以柔毛剛鬣清酌庶羞之奠告於城隍之神曰濟南連歲灾祲戶鮮蓋藏今茲三冬乏雪春雨仍稀如又二麥無收民食安賴惟神福善禍淫昭報不爽如有殃咎宜加太守此十六屬生靈何罪何辜膏澤頻屯俾興咨怨神有權宜出雲降雨慰我農人神無權宜顯

天降鑿轉歉爲豐無以太守失職而罰及蒸黎也嗚呼尚饗

切問齋集卷九

三

大初望轉歉爲豐無以太守失職而罰及蒸黎也嗚呼尚饗
此十六屬生靈何罪何辜膏澤頻屯俾興咨怨神有權宜出雲降雨慰我農人神無權宜顯
蓋藏今茲三冬乏雪春雨仍稀如又二麥無收民食安賴惟神福善禍淫昭報不爽如有殃咎宜加太守此十六屬生靈何罪何辜膏澤頻屯俾興咨怨神有權宜出雲降雨慰我農人神無權宜顯

謝雨文四十五

維年月日知山東濟南府事陸燿謹以清酌庶羞之奠告於城隍龍神之靈曰頃以濟南境內春雨愆期麥秋有待於月之十一日祇謁神座致齋三日涓吉十四日宜祭之辰敬持絮酒祈求甘澤仰荷神庥應時昭報先於十二日未時之交元雲觸石赫耀藏輝十三日自晨至暮條風不興濃陰周布喜微濛之時灑庶遠邇之均霑神旣降鑿惠此一方幸循十日之期永慰三農之望揭虔妥侑惟神格饗

切問齋集卷九

十五

庚辰年三月

庚辰年三月

十三日自晨至暮絲風不興濃陰周布喜微濛之時灑庶遠邇之均霑神旣降鑿惠此一方幸循十日之期永慰三農之望揭虔妥侑惟神格饗十四日宜祭之辰敬持絮酒祈求甘澤仰荷神庥應時昭報先於十二日未時之交元雲觸石赫耀藏輝十五日自晨至暮絲風不興濃陰周布喜微濛之時灑庶遠邇之均霑神旣降鑿惠此一方幸循十日之期永慰三農之望揭虔妥侑惟神格饗

告金龍四大王文

維乾隆三十七年歲在壬辰十月壬戌朔越十日辛未宜祭之辰新任山東通省運河兵備道陸燿謹以柔毛剛鬣致祭於

敕封金龍四大王之靈曰惟神秉忠貞之節歿有餘榮著赫濯之威功成利濟黃流劈箭每偕河伯以分猷運道銜鱸聿送天神而各入津蓋神聖無私天庾而効順自中河以達漳衛行地中者千里有奇從宋代以迄今茲戴神庥者萬年無厭某欽承聖

切問齋集卷九

五

寵命受任監司泉源則南北分流須濬洗沂之脈堤岸則東西並築冀安齊魯之氓顧以短策而御長途實恐貽譏負職苟獲天時而洽人事益昭降鑿無私用布丹忱敬祈顯佑謹告黃水嬰濬管臣臣以食效性金睛四大王之靈曰雖輒秉忠貞之節歿有餘柔乎剛鬣致祭於

朱宜祭之靈祿升山東通省運河兵備道陸燿謹以
蘇算劉三十寸半建壬辰十月壬戌朔越十日辛

泰山禱雨文

維乾隆四十九年歲次甲辰二月朔丁巳越二十三
日巳卯山東布政使陸燿敬禱于東嶽泰山之神
曰惟神位列東方職司生物崇朝觸石澤徧寰區矧
茲青兗二州之境爲神靈託跡之所揚詡發育從無
僭忒乃自上年至今雨雪屢愆二麥不生三農告困
無糧賣子情形慘悽鵠面鳩形將爲溝瘠如謂官吏
貪殘感傷和氣則宜明加誅殛易置賢能況我
皇上愛養黎元議蠲議賑不惜帑金

切問齋集卷九

三

鑿輅所經

殊恩疊沛天人協應昭報不爽豈忍使斯民旣困於
誅求復窮於燠旱也耀待罪此邦深憂民瘼陟天門
捫日觀揭虔致禱坦布赤誠伏望神靈反晴而雨轉
歉爲豐驅飛廉使斂跡令屏翳以行雲起黑蜮于重
淵戮女魃于槁野春收雖失秋稔可期市價不增閭
閻安堵則十郡二州之民嘉賴神庥永矢無斃矣謹

白 禱 聖 四 十 六 年 歲 次 甲 辰 二 月 朔 丁 巳 越 二 十 三

馬鞍辭

以革爲之韉兮於文則取安兮姑徐行其自至毋爲
競人先兮

佩囊影帛辭

於節幾何紛然左右兮嗚呼噫嘻不失在前則失在
後兮

沈眉生茂才乘槎圖贊

節目礫礫不生不死委浪騰波上貫星紀天宇泱寥
銀潢萬里得石一卷歸詫鄉梓

切問齋集卷九

七

切問齋集卷九終

切問齋集卷第十
林傳
汴水治河名臣小傳
馬之貞字口叔其先伏波之裔也以功封於滄子孫
散居燕薊父希言以武節將軍兼汶文商酒使愛其
土風遂家於汶至元十七年之貞爲泗汶都轉使時
控引江淮嶺海供億京師自東阿至臨清二百里舍
舟而陸車輪至御河牛僮輻輳艱阻萬狀二十六年

切問齋集卷十

一

以壽張尹韓仲暉等言使之貞按視還上可開狀卽
命之貞與張孔孫等同主其役功竣人思其德立石
汶上又嘗於堽城闡東作雙虹懸門分受汶水常以
秋分役丁夫采薪積沙於二閘之左絕汶作堰春夏
水至則堰隨水去有言以石爲之可省民力之貞曰
汶魯大川底沙深闊若修石堰須高平水五尺方可
行水沙漲淤平與無堰同河底填高必溢爲害昔晉
杜預作沙堰於宛陽竭白水灌田缺則補之雖屢勞
民終無水害固知川不可塞也因自作記勒其言於

右據汶上縣志并李惟明東大閘記重作

張孔孫

字夢符其先出遼之烏若部父之純爲東平

萬戶參議因家於汶夜夢謁孔子廟得賜佳果已而
孔孫生因丐名於衍聖公遂命此名至元三十六年
壽張尹韓仲暉太史院令邊源相繼建言開河引汶
水達舟於御河以便公私漕販省遣漕副馬之貞與
源等按視上言可開之狀於是驛遣孔孫偕斷事官

切問齋集卷十

二

忙速兒董其役起須城安山之西南壽張西北行過
東昌又西北至臨清達御河其長二百五十里孔孫
素以文學知名由戶部員外郎歷官至禮部尙書大
名路總管兼府尹召拜集賢大學士中奉大夫復拜
翰林學士承旨資善大夫集賢大學士如故大德十

一年卒

卒後其子出後本歲故濟父本辭

按全河備考孔孫作禮孫閱山東通志乃知孔訛
爲礼礼又改禮今據元史河渠志并通志命名之
由重作此傳

賈魯

賈魯字友恒河東高平人延祐至治間兩以明經領鄉貢泰定初授東平路儒學教授辟憲史歷行省掾除潞城縣尹選丞相東曹掾擢戶部主事太醫院都事燕南山東道遷中書省檢校官拜監察御史陞臺都事遷山北廉訪副使召爲工部郎中至正四年河決白茅隄又決金隄濱河郡邑濟寧單州等處皆罹水患沿入會通河特命魯行都水監魯訪求河道考察地形往復數千里備得要害爲圖上進二策其一

切問齋集卷十

三

議修築北堤以制橫潰則用工省其一議疏塞並舉挽河東行使復故道其功數倍會遷右司郎中未及行調都漕運使河水北侵安山淪入運河延及濟南河間九年右丞相脫脫集廷臣羣議言人人殊魯昌言河必當治復以前二策進丞相取其後策且以屬魯十一年以魯爲工部尙書總治河防使領河南北諸路軍民發汴梁大名十有三路民一十五萬廬州等戍十有八翼軍二萬供役四月興工七月河成八月決水故河九月舟楫通行十一月諸埽諸隄悉成

召還京師以河平圖獻臺臣請褒脫脫治河之績超拜魯榮祿大夫集賢大學士尋拜中書左丞從脫脫平徐州留追餘黨十三年卒於軍鄭元慶云賈魯治河當時頗費經營至今三百年後猶蒙其利而作大河志者誤信石人一隻眼之說謂魯速元之亾此亦妄人也與

宋禮

宋禮字大本河南永寧人洪武中以國子生授山西按察使僉事累遷至工部尙書河決陽武衝安山會

切問齋集卷十

四

通河淤永樂九年濟寧州判潘叔正請加修濬命禮與刑部侍郎金純都督周長發濟堯青東民十五萬人登萊願役民萬五千人治之越二十旬而竣事初會通河引汶入洸合洸泗以出於濟寧會源閘北至臨清地降九十尺南至沽頭地降百十六尺而南旺視濟寧地尙與太白樓岑齊南流水多北流水少禮乃用汶上老人白英計相度地勢作戴村壩橫亘五里遏絕汶流使盡出於南旺以其三南接徐呂其七北會漳衛由是漕河成而海運廢歲省金錢鉅萬未

幾採木川蜀十六年治獄江西其明年召還卒於官是時平江伯陳瑄亦鑿維揚運河南北通流漕河大治顧瑄蒙祭葬贈諡廕襲之典而禮不得與邱濬詩有清江浦上臨清聞簫鼓叢祠飽餽餘幾度會通河上過更無人說宋尙書之句洪治中工部左侍郎李鏐訟於朝爲立祠南旺萬歷中總理河道提督萬恭復請賜諡康惠廕其嫡孫一人入監讀書次孫四人並住南旺奉祀

切問齋集卷十

五

爲南旺所降之數王鴻緒明史稿又誤以分水口爲南流十之四北流十之六又役丁夫三十萬人今據元揭傒斯會源閘記及宋康惠祠志重作此傳

陳瑄

陳瑄字彥純合肥人靖難時以舟師迎降成祖渡江封平江伯永樂元年命充總兵官總督海運輸粟四十九萬石餉北京及遼東遂建百萬倉於直沽城天津衛宋禮旣治會通河罷海運仍以瑄董漕事用故

老言自淮安城西管家湖鑿渠二十里爲清江浦導
湖水入淮築四閘以時宣洩又緣湖十里築堤引舟
漕舟直達於河省費不訾其後復濬徐州至濟寧又
築沛縣刁陽湖濟寧南旺湖長堤又自淮至臨清相
水勢置閘四十有七自淮至通州置舍五百六十有
八設卒導舟避淺緣堤鑿井樹木以便行人宣德四
年又言濟寧以北自長溝至棗林淤塞計用十二萬
人疏濬半月可成命尙書黃福往同經理八年卒追
封平江侯贈太保諡恭襄孫豫字立卿襲封建濟寧

切問齋集卷十

六

月河卒諡莊敏子銳字志堅嗣成化八年總督漕運
言濟寧南北閘河賴徂徠沂泗泰山曲阜等處泉源
并昭陽南旺孫村等湖水所司視爲泛常請責副使
陳善疏濬又請於臨清縣南三里開通月河分減水
勢十七年又於濟寧分水龍王廟自南距北十里各
置一閘今南旺上下二閘是也嘉靖十四年建濟寧
中新閘見第二卷劉珣記

按平江三世咸有治績全河備考纂敘甚畧莊敏
以下例得附書茲故牽連及之

金純字德修泗州人洪武中以吏部尙書杜澤薦授吏部文選司郎中三十一年出爲江西布政使參政永樂初以蹇義薦召爲刑部右侍郎時將營北京採木湖廣七年從巡北京八年遷左侍郎九年命與宋禮同治會通河又同徐亨等濬魚王口黃河故道初太祖用兵梁晉間使大將軍徐達開塌塲口通河於泗又開濟寧西耐牢坡引曹鄆河水以通中原之運其後故道寢塞純疏治之自開封北引水達鄆城入塌塲出穀亭北十里爲永通廣運二閘十四年改禮部侍郎進尙書十五年從巡北京十九年同給事中葛紹祖巡撫四川宣德元年改工部又改刑部明年兼太子賓客三年致仕正統五年卒賜諡沭陽伯

徐有貞字元武初名理字元玉吳人宣德八年進士選庶吉士授編修十二年進侍講景泰三年遷右諭德河決沙灣七載前後治者皆無功廷臣共舉有貞乃擢左僉都御史治之至張秋相度水勢條上三策

一置水門一開支河一濬運河議既定督漕都御史王竑以漕渠淤淺滯運請急塞決口帝勅有貞如竑議有貞守便宜言臨清河淺舊矣非因決口未塞也漕臣但知塞決口爲急不知秋冬雖塞來春必復決徒勞無益詔從其言於是大集民夫躬親督率沿渠建閘起張秋以接河沁河流之旁出不順者爲九堰障之更築大堰楗以水門闊五百五十日而工成名其渠曰廣濟渠閘曰通源閘方工之未成也工部尙書江淵請遣京軍五萬人往助其役有貞言京軍一

切問齋集卷十

八

出日費不貲遇漲則束手坐視無所施力今泄口已合決堤已堅但用沿河民夫自足集事議遂寢事竣召還復出巡視漕河七年秋山東大水河堤多壞惟有貞所築如故乃修舊隄決口自臨清抵濟寧置減水閘水患悉平進左副都御史以奪門功陞兵部尙書華蓋殿大學士封武功伯後爲石亨等所搆徙金齒爲民亨敗赦歸成化間卒

劉大夏

劉大夏字時雍華容人年二十舉鄉試第一天順八

年進士改庶吉士成化初請試吏職除職方司主事
遷郎中十九年陞福建右叅政父憂服闋補廣東右
布政使洪治六年河決張秋吏部尙書王恕薦大夏
往治河授右副都御史以行大夏自上流黃陵岡浚
賈魯河復自孫家渡疏其壅七十里四府營三十里
聯長堤以分大名山東水勢起胙城歷東明長垣抵
徐州亘三百六十里五旬而河就馴更名張秋鎮曰
安平鎮工部請遣員視其成乃命太監李興平江伯
陳銳佐之八年大夏等奏漕河水利全藉山東諸泉
每年夏秋瀦蓄南旺等湖至旱乾時以濟糧舟近豪
強軍民或決堤泄水以圖栽蒔或阻遏泉源以資灌
漑乞照先年侍郎白昂奏行事例禁治又南北運河
止是汶水分流接濟春夏旱乾水源微細必藉各閘
積水以時啟閉庶可行船往往官員隨到隨開以致
糧運阻滯乞申明詔旨嚴加榜示又濟寧迤北南旺
開河戴家廟一帶比之他處最要而安平鎮地方土
脉疏薄新築決口尤須提調官員不時檢點今自濟
寧直抵通州相去一千八百餘里而天津北上逆水

尤難請分其地爲三南北各設工部郎中中間增設
通政提調召爲左都御史歷戶部左侍郎加太子太
保爲劉瑾所譖戍肅州瑾誅赦歸生前自爲壙志曰
無使人飾美懷愧地下正德十一年卒贈太保謚忠
宣

潘季馴

潘季馴字時良烏程人嘉靖二十九年授九江推官
擢御史巡按廣東進大理丞四十四年由左少卿進
右僉都御史總理河道與朱衡共開新河加右副都

切問齋集卷十

十

御史以憂去隆慶四年河決邳州睢寧起故官再理
河道爲勘河給事中駱遵劾罷萬歷四年再起官巡
撫江西明年冬召爲刑部右侍郎六年以右都御史
兼工部左侍郎卽代傅希摯治崔鎮決河明年工竣
又明年加太子太保工部尙書兼左副都御史遷南
京兵部尙書十一年召改刑部季馴之再起也以言
者劾其黨庇張居正落職爲民十三年御史李棟上
疏訟曰隆慶間河決崔鎮爲運道梗數年以來民居
旣奠河水安流咸曰此潘尙書功也昔先臣宋禮治

會通河至於今是賴陛下允督臣萬恭之請予之謚
廕今季馴功不在禮下乃當身存之日使與編戶齒
寧不隳諸臣任事之心失朝廷報功之典哉十六年
復起爲右都御史總督河道自吳桂芳後河漕皆總
理至是復設專官十九年加太子太保工部尙書兼
都御史季馴凡四任總河前後二十七年修築五湖
舊堤開濬南旺河中渠道加築南西北三面舊堤一
萬二千六百丈添築東面子堤七千一百八十八丈
又於五里鋪建石壩五丈創築馬踏湖堤自洪仁橋
至禹王廟三千三百一十三丈建何家口石壩三十
餘丈滾水至房家口入運修蜀山湖舊堤自馮家壩
起至蘇魯橋長三千五百一十丈建馮家壩十餘丈
以障蜀山水之洩入馬場湖者修馬場湖東面舊
堤一千六百二丈修安山湖土堤四千三百二十丈
又於似蛇溝八里灣建閘二又築坎河口滾水石壩
六十丈凡守壩挑河濬泉濟運事宜無不講求精覈
可以垂後而獨謂泃河之不必開者則就治黃而言
也蓋以黃河泛濫於中國自古而然卽使運不借黃

仍不可一日不治與其多費金錢別開一河以通運而治黃之費固在何如治黃而運卽在其中故後人以此爲公之間然至其治黃諸績具載河防一覽二十年議治泗州水患與巡撫周家等不協允其乞休越三年卒

萬恭

萬恭字肅卿南昌人嘉靖二十二年進士授南京文選司主事歷考功郎中遷光祿寺少卿改大理四十二年兼僉都御史巡撫山西隆慶六年給事中劉伯

切問齋集卷十

十一

燮薦恭異才會河決邳州運道大阻已遣尙書朱衡經理復命恭以故官總理河道恭與衡築長堤自磨鐮溝迄邳州直河南自離林迄宿遷小河口各延三百七十里費帑金三萬六十日而成高寶諸河夏秋泛濫歲議增堤而水益漲恭緣堤建平水閘二十餘以時蓄洩專令濬湖不復增堤河遂無患其在坎河口壘石爲灘也謂汶水盛發不能攻戴村壩則從戴村之東龍山之西攻開名曰坎河口注鹽河以復歸於青州故道而山東水復東傾蓋九分東注特一分

析入南之安東北之天津隆慶六年余以主事張克
文言循南旺百里而上歷戴村壩壩故堅汶不能破
也又東數里爲坎河口東北注若駛余顧張水部曰
何縱汶曰歲隄坎河口歲敗亡益也余顧東龍山彼
有亂石盍取石灘坎河口里許若天成平水焉汶溢
則縱之令還東注面目汶平則留之令全汶南注以
其七北灌入天津之海又以其三南灌入淮安之海
是因勢而鼎足分之者以坎河灘故也恭強毅敏達
時稱才臣治水三年言者劾其不職竟罷歸家居垂

切問齋集卷十

三

二十年卒所著有治水筌蹄

張國維

張國維字玉筍東陽人天啟二年進士授番禺縣知
縣崇正元年擢刑科給事中劾罷副都御史楊所修
御史田景新皆魏忠賢黨也七年擢右僉都御史巡
撫應天安慶等十府其年冬流賊犯桐城官軍覆沒
國維方壯年一夕鬚髮頓白十年請割安慶池州太
平別設巡撫以史可法任之安慶不隸江南巡撫自
此始遷工部右侍郎兼右僉都御史總理河道歲大

旱漕河水涸國維濬諸水以通漕十四年盜起改兵部右侍郎兼督淮徐臨通四鎮總兵護漕運大盜李青山衆數萬據梁山灤遣其黨分據韓莊等八閘運道爲梗周延儒赴召北上青山謁之言率衆護漕非亂也延儒許言於朝授以職而青山竟截漕舟大焚掠迫臨清國維所部兵擊之獻俘於朝磔諸市陞兵部尙書十六年四月我大清兵入畿輔國維檄趙光抃拒螺山八總兵之師皆潰乃解職下獄旣念其治河功得釋召對中左門復故官兼右僉都御史赴江南督兵輸餉出都十日而都城陷福王敘山東討賊功加太子太保南都覆潞王監國於杭州不數日出降國維乃朝魯王於台州請王監國卽日移駐紹興進少傅兼太子太保兵部尙書武英殿大學士督兵江上魯王敗走台州航海國維作絕命詞赴水死

楊方輿

楊方輿字淳然漢軍鑲黃旗人初爲廣寧諸生天聰時直內院崇德元年取中舉人順治元年由秘書院學士授河東總督時當定鼎之初四方盜賊竊據漕

艘難行方興設方畧十里置一臺三十里建一城聯絡汛守安集流亡糧運得以通達順治七年荆隆朱源寨口決直趨沙灣張秋一帶堤岸皆潰由大清河東奔入海兗濟以北皆懼其害萬民失業運道復梗方興結茅廬於堤上盛暑隆冬寢食其中九年復決大王廟口衝潰沙灣方興治塞如前並自西岸河邊起至八里廟河邊止開引河五百丈至十三年竣事其明年上疏乞休詔以勤練著勞加太子太保致仕懸車之後長安居第僅蔽風雨疏食布衣四壁蕭然康熙四年卒祭葬如例葉方恒全河備考曰張秋爲黃河下流其決於明世者正統十三年徐有貞治之洪治五年劉大夏治之皆費極浩繁功極艱難至是三歲再見卒用救寧蓋多於前功矣

朱之錫

朱之錫字孟九號梅麓浙江義烏人順治三年進士改庶吉士四年授宏文院編修洊遷學士十四年由吏部侍郎出任河道總督承前任楊方興之後不屑屑於蕭規曹隨凡修守運河堤岸綢繆至計無不悉

心擘畫如夫役工程錢糧職守及諸弊端興革損益皆商確至當一一條奏報可初以內艱求去不允至十七年假歸營葬十八年再任經營河上先後十年未嘗有大工巨役數省之民獲免昏墊其開董口新河復太行老堤挑高郵運道治石香爐決口功著揚豫二省至今尸祝不衰康熙四年以積勞憂鬱發病而卒贈太子太保祭葬如例徐兗淮揚間人盛傳之錫死爲河神十一年總河王光裕俯徇民情疏請建祠濟寧部議未允而豫河兩岸往往私自肖像立廟

切問齋集卷十

六

稱爲朱大王事載王士正池北偶談

靳輔

靳輔字紫垣其先濟南歷城人也以百戶從軍戍遼陽遂爲遼陽人順治七年輔年十九入翰林爲編修朝章國故博綜無遺累遷至武英殿學士禮部侍郎巡撫安徽加兵部尙書康熙十六年總督河道上經理河工事宜八疏治江南黃河及清水潭諸工悉歸底定乃以北運河口舊在徐州之留城東徙宿遷之皂河且三百里黃河一漲時苦淤澱於皂河迤東挑

河二十里又以山東汶泗沂沭諸水一當暴漲漂溺宿桃清山安沭海七州縣民田無算且滙入黃河黃河益怒益以淮水三瀆爭流以趨清口上流橫潰則下流益緩緩則益淤而上流愈潰又漕艘道至黃河二百里涉風濤不測之險買夫挽溜費且不訾於是復開中河三百里殺黃河之勢灑七邑之災漕艘揚帆若過枕席說者謂功不在宋禮開會通陳瑄鑿清江之下二十六年以丈出民間餘田作爲屯田及阻抑挑浚下河罷職二十八年仍復原官休致三十一

切問齋集卷十

七

年起督南漕二十萬石備貯蒲州賑秦民事竣病卒特賜祭葬謚文襄所著有治河書十二卷奏疏八卷輔知人能得士用幕友陳潢之策受命如響潢亦殫竭智能憂患共之其詳具張靄生河防述言

葉方恒

字恒初號學亭江南崑山縣人父重華於前

明崇正之末任濟寧兵河道副使禦賊有功濟人德之方恒以順治十五年進士由萊蕪縣知縣陞兗州府同知再遷至濟寧河道循父遺教於河防利害運

道通塞籌畫盡善悉見施行其論蓄洩要害謂微湖之西南切近黃河匆慮有漫瀉之患苟不堅禦濁流一入不特滕嶧爲巨浸而運道必至梗阻張清恪公伯行因有微山湖南宜築攔黃埧上接太行堤之說迨乾隆二十年孫家集漫口渾水直趨東南幾成平陸乃始堆砌亂石接築七十里攔截河流一如方恒所料又言滕沛魚濟瀕運水田宜仿東南治田法開支河築圩畝時其籽耘以種秧苗備其桔槔以資車戽則水荒棄地不難變爲沃壤又以嘗令萊邑熟悉地利山東運河仰藉諸泉而在萊蕪者其流獨長志載鑛山產鐵陰涼山產銅金爲水母母氣盛是以泉源得長開鑛之說惟萊蕪不可行挖傷山脉泉枯礙運其害匪細凡所論說皆非一世之利也後卒於官所著有山東全河備考四卷濟寧州志稱其在濟四
年口不言功百姓多陰受其惠云

切問齋集卷十

六

王新命字純嘏漢軍鑲藍旗人原籍四川三臺縣由筆帖式累遷郎中康熙十七年授江西布政使十九

年陞湖廣巡撫二十三年調任江寧旋擢總督二十六年又調閩浙二十七年授河道總督時于成龍募天顏等爭言靳輔中河不便新命至則請留攔馬湖洩黃三埧於駱馬河用竹絡裝石下於臨河外面旁依草埽密椿夾持小則逼水入運大則由埧減洩又以沫水西流湖河易漲令於禹王臺迎水處所築堤斷流使循故道入海中河以治又奏臨清運河每歲淺阻引河南小丹河水入衛又於衛水上游拗刀泉及安陽縣上游洹水各渠並用竹絡裝石之法灌田

切問齋集卷十

九

濟運漕民兩便三十一年革職管理永定河工四十年以浮銷錢糧擬辟尋遇赦免卒於家

于成龍

于成龍字振甲漢軍鑲紅旗人以廕生授直隸樂亭縣知縣遷通州知州時山西永寧人于清端公廉名爲天下第一以與成龍名姓相同陰物色之知其才特薦爲江寧府知府康熙二十三年陞安徽按察使二十五年擢直隸巡撫旋授左都御史先是靳輔開中河成龍以爲非便及開浚下河議又不協而靳輔

疏中則稱司臣于成龍訪采輿論審量經營之處頗費苦心以故卒繼王新命畀授河道總督三十一年蒞任成龍以桃清中河南岸逼近黃河地勢卑下潏水瀾漫難以築堤乃自盛家道口至清河葉中河下段改鑿六十里名曰新中河又江南羅口發源東省雲蒙諸山各澗滙流而成沂河由沂郟而入邳境水從羅口分流出徐唐口而入運河其正河至隅頭集徑入駱馬湖凡遇水發瀾漫兩岸淹沒田廬請於沂河兩岸築堤一萬八千一百八十七丈建閘啟閉而其

切問齋集卷十

三

由羅口分汛者仍入運河濟運三十四年以左都御史督餉西路軍營三十七年再任明年卒於官謚襄勤入祀賢良祠

張鵬翮

張鵬翮字運青四川遂寧籍湖廣麻城人康熙九年進士由庶吉士改主事累遷郎中出任蘇州府知府調任兗州今兗州府志是其手編也遷河東運使內陞通政使參議二十八年由大理寺少卿出任浙江巡撫尋以兵部侍郎視學江南擢左都御史遷尙書

兩江總督三十九年調任河道總督時
上以仲庄閘清水出口逼溜使南恐碍運只命自
陶家庄以下楊家庄處開挑引河令中河之水從此
出口雖楊家庄地勢低窪間有倒灌不過一二里清
水仍然頂出鵬翮乃相度形勢於清邑中河鹽埧施
工挑挖令中河之水穿子堤由雙金門闌入鹽河至
花家庄迤東穿黃河縷堤至楊家庄出口又於花家
庄鹽河撐堤之上建閘洩水漕鹽兩利動帑七萬八
千餘兩河道大治加太子太保疏請勅下史館編
輯治河事宜遴選進士舉人學習精通發工効用
上卽以命鵬翮於是纂成 聖謨全書二十四卷恭
呈乙覽四十七年授刑部尙書尋調戶部吏部六十
一年晉太子太傅雍正元年授武英殿大學士三年
卒加贈少保諡文端十年入祀賢良祠

張伯行

張伯行字孝先號恕齋河南儀封人康熙二十四年
進士由內閣中書調補中書科舍人三十八年河溢
儀邑決堤入城伯行適家居爲布囊盛沙雇民堵塞

堤完無恙總河張文端公鵬翔行河至儀知出其力請於朝使赴河工効用上治河條議四十一年補濟寧道究屬灾荒條陳賑濟法刻明胡伯玉泉河史四十四五等年運河水小命伯行設法蓄水量塘放船著居濟一得五卷又補遺一卷又刻闔嵩岳北河續記是年遷江蘇按察使四十六年陞福建巡撫四十八年署浙閩總督又移撫江蘇其禁止餽送檄有云一銖一黍盡民脂膏寬一分民受一分之賜受一文身受一文之汙雖云交際之常於禮不廢試思

切問齋集卷十

三

儀文之具此物何來後以辛卯鄉試科場弊竇與總督噶禮彼此訐參牽連多案再罷再起授爲倉場總督戶部侍郎五十六年主順天鄉試六十年充會試總裁條奏黃河水勢赴湯山面陳得失因言河南歲有河患皆因黃沁交會水勢過盛宜於交會之處建閘一座草垠二座重重關鎖使不泛濫一引沁由賈魯河經嘉祥鉅野入濟一引沁由新決之河再加挑挖入張秋不但濟運有利民田可盡成膏腴

上謂嘉祥有山如何行水卽出地圖指示兵部侍郎

牛鈕在側因斥伯行書生只據紙上陳言妄奏
上曰畢竟是他留心卽書本亦是他看過爾等誰留
心者雍正元年又請大開府河使泗水由金口埧引
入至濟寧馬場湖內蓄之濟運又稱濟寧至臺庄相
去四百里中間之閘將及四十座而臺庄以下至黃
淮交匯中間將及四百里並無蓄水之閘宜於臺庄
以下徐塘口以上增建閘座是年特授禮部尙書三
年卒加贈太子太保諡清恪子師載別有傳

陳鵬年

切問齋集卷十

三

陳鵬年字北溟一字滄州其先江西廬陵人遷湖南
湘潭縣遂爲湘潭人五歲受唐詩卽成誦九歲作蜻
蜓賦驚其座人康熙三十年進士授衢州西安縣知
縣以張文端公鵬翮薦調任淮安山陽縣陞海州知
州四十六年罷職又起爲蘇州府知府四十九年署
江蘇布政使又以屬員虧空落職五十二年起署霸
昌道六十年與張鵬翮同閩南北河堤時河南武陟
縣馬營口衝決直注山東張秋直隸長垣鵬年言黃
河老堤衝開八九里大溜直趨決口宜於對岸上流

廣武山下別開引河更於決口少東亦開引河俾河流仍歸正河乃可堵築奏入稱

旨卽命署理河道總督決口工竣蒞任清江明年正月馬營口隄遭冰凌積水再決鵬年謂地勢低窪雖有引河流不能暢惟有分疏上下殺其悍怒請於沁黃交滙對岸王家溝開河使水東南行入滎澤正河堤工可成乃復親至決口開放河頭大溜直趨引河河流南徙堵塞可俟時總漕施世綸卒馳回清江兼攝漕務功未得竣白露後又至馬營口爲文以禱大河及沁水之神黃水一夕驟退八尺自是棲宿河上勞瘁致疾雍正元年卒賜司庫銀二千兩諡恪勤所著有政畧一卷河工條約一卷詩文集六十二卷

齊蘇勒

齊蘇勒滿洲正白旗人由欽天監博士遷主事郎中出任永定河分司康熙六十年授翰林院侍講督修河南武陟縣黃河決口六十一年陞山東按察使協理運河道事雍正元年授河道總督二年以德勝至張庄河形陡直水勢建瓴於適中六里建設石垣令

切問齋集卷十 五

較上下兩閘各減六尺水小資其攔蓄水大聽其漫溢漕運便之三年加兵部尙書五年督塞朱家口決河加太子太傅尋卒於官晉世職三等輕車都尉給藩庫銀三千兩送櫬回旗並命總督尹繼善爲靳輔齊蘇勒合祠歲祭賜諡勤恪八年入祀賢良祠

嵇曾筠

嵇曾筠字松友無錫人康熙四十五年進士雍正元年河決中牟縣十里店曾筠以兵部侍郎馳往堵築適黃沁並漲漫溢姚其營秦家厰馬營口諸隄因思

切問齋集卷十

五

下流受患其上源必有致患之由露處小舸沿流審視水勢自三門七津建筑而下歷孟縣温縣北岸長有沙灘逼水南趨至倉頭口遶廣武山根逶迤屈曲而下勢成兜灣官莊峪有山嘴外伸形如挑水又由西南直注東北沁黃交滙之區秦家厰一帶頂衝受險頻年爲患議就倉頭口開挑引河準對官莊峪下游水口越過山嘴大溜全走中洪秦家厰遂安於磐石二年授副總河請修兩岸隄工建官司設兵夫製濬船七年授河東總督以封邱縣荆隆口密邇運河

素稱險要於對岸開挖引河導水東行八年管理南
河總督山水異漲滙歸駱馬一湖溢運浮黃河湖合
一赴山盱周橋以南開埧洩水並啟高寶諸堰分入
江海又復禹王臺竹絡石埧分導沂沐二河歸海之
路拜文華殿大學士卒諡文敏著有防河奏議

徐湛恩

徐湛恩字沛潢中山王徐達之後明季以關外都指
揮家遼陽隸正藍旗漢軍由貢生改應武科中康熙
五十四年武進士授侍衛執戟殿下賦詩稱

切問齋集卷十

三

旨特改兵部郎中雍正元年陞兗寧道僉事嶧縣有
湖墾荒地許貧民開墾勢家佔爲己業私納其稅又
各屬瀕湖草廠地歲徵草束備工料株累及於民田
湛恩悉禁除之欽使勘閱河道求賄不應怒曰汝所
司何庫曰四大庫南旺南陽蜀山馬場也擢山東按
察使調廣西內陞僉都御史復出爲河東河道副總
督時魯橋以南至黃林莊歲苦淹決營建石堤捍禦
湖波運道獲安乾隆初陞內閣學士兼禮部侍郎改
直隸副總河被議去職十五年復原官致仕二十年

白鍾山

白鍾山字毓秀號玉峰正藍旗漢軍雍正十三年總督河東河道更定夫役工價設立司泉佐雜乾隆四年漕督補熙請造十丈大船運河以水深四尺爲則鍾山謂插河無源之水需雨而後泉旺泉旺而後河盈上插閉而下插啟則下插倍深上插倍淺各插相距遠近不均水近者深則遠者必淺以人役水以水送舟必不能均深四尺侍郎趙殿最又請於館陶臨

切問齋集卷十

三

清各立衛河水則鍾山謂尺寸不足將衛輝民田渠插盡閉致妨灌溉事旣難行尺寸苟足將官渠官插盡閉來源頓息下流已逝運河之水亦立見消涸二者均屬非計議並寢勘辦荆山橋工消涸微山湖積水修復淮揚徐海鳳潁泗各州縣支幹河道歷任兩河四十餘年於河道情形工程利弊熟悉周知奏疏數十餘上著有豫東宣防南河宣防等錄卒諡莊恪

李宏

李宏字濟夫一字用茲號湛亭正藍旗漢軍初以州

同知薦歷江南河庫道疏濬淮揚徐海鳳潁泗各郡
縣支幹河道一百數十餘處動帑二百四十餘萬有
奇二十九年授河東河道總督以江南耿家塞險要
察勘對岸引渠切灘順勢帑節工平赴陝州三門查
探黃河來歷諮度久安之計又以汶上老人白英立
祠戴村子孫蔭襲頂帶自入
國家未奉
明旨奏請仍給八品世職奉
旨允行

切問齋集卷十

五

張師載

張師載字又渠號愚齋儀封人伯行子也康熙丁酉
科舉人乾隆十五年同大學士高斌協理江南河務
十八年徐州張家馬路黃河漫溢褫職後復起爲河
東總河二十一年以孫家集漫口入湖害運河道李
清時共宿河于疏築並舉又以豫省黃河工多暗險
廣開引河挑土幫隄自此兩岸遙縷免受衝刷卒謚
愨敬著有改過齋文集讀書日鈔等書

李清時

李清時字授侯號惠圃福建安溪人乾隆七年進士授翰林院編修出爲嘉興府知府丁父憂服闋補充州府知府二十一年陞運河兵備道時孫家集漫決夏鎮南陽一帶連爲巨浸清時首作東西堤界出湖面又於湖口開北掘地深四五丈長十七丈以宣洩之旋就其處作滾水坝高一丈長三十丈著令湖水減至一丈則閉閘以蓄之濟寧城東有楊家坝者上承泗河貫兗府西流經此入運明正德崇正間會障水以爲州城外護僅有坝基

切問齋集卷十

五

國朝順治間總河楊方興復加堵築每遇伏秋水漲不能洩瀉歸河兩岸民田大受淹沒之害葉方恒作全河備考謂不若改坝爲閘隨時啟閉康熙三十四年總河董安國會建減水閘其後張伯行又謂府河之水當令全入馬場湖收蓄此坝必不可開因遂歷年堵閉淹漫民田清時遵葉方恒策重建閘座盛則啟板分洩微則閉板入湖著爲永利又以汶河之水南流旣多而蜀山一湖旣建利運閘於柳林之南又作金線閘於寺前之南南水有餘北水益形不足若

移建金線於柳林之北閉柳林啟金線則湖水可濟
北運因請於總河張師載以爲一轉移間其利有四
詳見第二卷又請落低何家埧三空五孔等橋加寬
四女寺創築八里廟臨清口門等埧凡所建議並見
施行二十九年調江南淮徐道三十年陞授兵部侍
郎河東河道總督三十二年調任山東巡撫三十三
年卒所著有汎聞約言一卷治河事宜若干卷又蠶
書一卷周易經義十二卷朱子或問語類二十二卷

切問齋集卷十

三

號稱得士歷刑部湖廣司主事山東司員外郎用法平恕不屈曲以阿上官遷戶部雲南司郎中所轄倉儲出納陋弊踵延根柢盤互莫能猝拔公至卽以裘服逾制撻其從事二人督治文案惟令抱牘待判不得出一語關說一司之人無不洗手奉令惟時武進趙恭毅公清望爲天下所宗及爲大司農諸司從事

切問齋集卷十

三

多以貪惰退廢獨公所治雲南一司無纖毫過適衆始感悅薦擢刑科給事中掌登聞鼓逾年改吏科給事中時吏部選人或違例壓缺改易文憑臨選駁放除授不公公上書極論纒纒數百言指斥無隱被議人降黜有差直聲大著一日詣雲南同視中視部會

上御門有所咨訪特指公名命對公從容敷奏衆皆屬目嗣是連次

御門輒垂問阮應商在否蓋知公廉辦有節行將大用之也未幾以疾告歸其明年十月卒實康熙五十

董孺人傳

孺人姓董氏長蘆鹽運使承勳之孫福建臺灣同知啟埏之女六歲喪母吳宜人哭泣如成人事父及繼母無間言年十七適庶常馮君集梧庶常爲我師孟亭先生季子我師方謝仕里居以文章學行督課諸子皆嶄然有立銳意進取以光顯於世孺人雖生長華族及來歸荆釵裙布儉約如貧家女我師察其意泰然自得以是知其識大體不屑屑有無也佐姑陸恭人治女紅凡經指授敏慧善悟雖素習者有弗如尤能先意承志得其歡心侍奉十餘年無幾微拂意乾隆四十二年庶常以弟子員高等貢成均恩授慈谿縣教諭孺人同之官益相夫子敦名行務取上第以報舅姑而手所治衣履食物歲時寄問不絕一岳氏甥隨侍學署延師課讀愛如己子中外親串莫不賢之四十六年庶常果自鄉薦提南宮選庶吉士時庶常伯兄擢江西布政仲兄司鐸錢唐一門三鳳聲華競爽孺人黽勉婦事益謙謹自持欣喜之意不形顏色人尤以爲難及庶常歸省孺人奉尊璋

之命隨赴京師自子歸以來艱於得子至是始娠恐
舅姑繫念秘弗令知四十七年十二月十五日竟以
難產卒於邸寓年三十歲臨歿念此生不得再修婦
職勸庶常散館後卽歸養母久違定省其天性仁孝
如此訃至嘉禾我師痛惜深至謂耀曰我家諸子婦
皆賢而此尤年少絕愛憐之且其至性過人事吾夫
婦如其所生今集梧在京失此良偶誠可傷也君爲
我傳之耀承命不敢辭乃述我師之意附於家乘且
寄示庶常於京師以解其悲

切問齋集卷十

三

碑碣

重修虞帝廟碑

五帝皆生而尊貴惟舜自窮蟬之世已微爲庶人黃
帝高陽高辛皆號神靈唐堯史比雲日惟舜耕稼陶
漁執恆人之業事親友弟行恆人之事故教之切於
恆庶莫舜若也夫以聖人責恆人則恆人以爲絕德
而不可幾也以帝王之聖責庶人則庶人以其至貴
而不敢儼也惟以恆人責恆人以庶人之恆行責庶
人則恆庶皆將黽勉以聽從矣顏子曰舜何人也子

切問齋集卷十

三

何人也有爲者亦若是孟子曰雞鳴而起孳孳爲善
者舜之徒也雞鳴而起孳孳爲利者跖之徒也夫吾
人之去舜不知幾萬里盜跖之不及吾人又不知幾
萬里而自顏孟言之若初不甚遠者何也執恆人之
業行恆人之事卽顏子之所謂有爲耕稼陶漁事親
友弟卽孟子之所謂爲善若此者人孰不能而舜何
遠乎歷代帝王天子之所有事陵廟所在必飭有司
崇飾致祭舜陵自在九疑衡湘之間濟南以地有歷
山舜嘗耕此立廟郡城曾文定薛文清皆有文述其

事乾隆辛卯恭遇

聖母八旬

上推孝治之隆詔加丹墀歲事之日縣令以告乃舉
其切於恆庶者以教吾民歲時入廟無日帝至貴聖
絕德而忘顏孟之遺訓也

切問齋集卷十

美

餘游海濱感孟公頌臨也

其心伏神惠善以爲吾民歲時入廟無日帝至貴聖

上推孝治之隆詔加丹墀歲事之日縣令以告乃舉

聖母八旬

事乾隆辛卯恭遇

齊魯自伏生轅固而還至東京之末康成鄭氏始爲諸經箋注號爲經師爰及北宋乃有泰山孫明復徂徠石守道特起爲人倫師表越六百餘年而復有濟陽蒿庵張先生先生名爾岐字稷若生於明季際會興朝當正學昌明之日博綜載籍篤志躬行當是時孫鍾元講學於蘇門李中孚標宗於盩屋類沿明人餘論出入白沙陽明心齋近溪之間先生獨守程朱說不少變海內君子如桐鄉張考夫太倉陸道威各

切問齋集卷十

三七

以韋布力行任斯道之重先生縞紵不通而風期合轍隱然有以開陸清獻張清恪之先故崑山顧寧人亦每以康成泰山徂徠三先生相勉嗚呼若先生者其庶幾人師也已或以先生釋迦院記作佛氏語又有老子說畧皆未醇不知釋迦記先生爲天下妄舍妄冀者指述說畧亦推其治身以及天下與外倫常遺世事者異趨昔司馬溫公作潛虛真西山跋遺教經朱子注參同契著調息箴將盡不得爲聖人之徒耶亦觀其維繫乎學術人心者何如耳恭逢

今天子重道崇文搜羅遺帙其鄉人以先生所著書
上當事進冊府海岱經生益知先生爲三先生以後
一人顧三先生皆得俎豆馨宗所在講學舊址亦多
爲精舍奉祀獨先生無專祠聞其風者引以爲憾余
自辛卯出守登州數月量移濟南行部過先生里輒
低徊留之比承乏秉臬署廨東偏有前使海州黃公
炳所立振英書院歲久傾頽蕪廢不治乃謀撤舊爲
新更名蒿庵書院以祀先生而顏其堂曰辨志取先
生所論著以立教也會轉運使長洲章公以灤口書

切問齋集卷十

三

院僻在市鎮且無定居移其經費合併於此冀與諸
生講明先生之所以爲人與其治經而弗徒以功利
詞章靡費歲月庶幾彬彬乎與省會舊有之灤源書
院比盛議旣定請於大中丞楊公以爲可行乃倡同
僚捐俸屬歷城令陳君珵成庀材鳩工始事於丙申
九月越十一月報竣諏良辰具牲醴虔奉先生主升
於座釋奠禮成紳士耆孺咸相嗟歎請予一言文諸
石予惟前使黃公以問刑之官不忘典學深有合於
弼教之旨今又得轉運章公道義翕合襄舉廢墜且

奉其鄉先生爲邦人士之導皆不可以無述來學之士景仰先生之遺風勿撫其細而舍其大經師人師胥於是在於以溯三先生之學之行豈有讓哉

切問齋集卷十

三

資政大夫工部侍郎范公神道碑

乾隆辛巳之歲恭逢

聖母皇太后七旬萬壽

上命文武廷臣及予告在籍年七十以上者各九人
賜遊香山製九老詩以寵之時則資政大夫工部侍
郎松岩范公與焉蓋公自丙寅蒙恩致仕至是以
慶典來朝獲廁者英之會朝論榮之越六年丙戌十
二月有司以公卒聞諭祭如例以某年月日葬公
於木瀆之阡公諱璨字電文一字約軒其曰松岩者

切問齋集卷十

早

以木瀆之阡公諱璨字電文一字約軒其曰松岩者
上賜松岩樂志額因以爲號也系出宋文正公長子
監簿公純佑之後十一傳至從源徙麻源九曲里是
爲公始遷之祖州同知能彥公之考也國子監生必
才公之祖也府學生允龍公之曾祖也祖考兩世皆
贈資政大夫河南布政使妣皆夫人公登康熙癸巳
鄉薦雍正甲辰進士改庶吉士以人才薦知大興縣
擢知鄧州陞萊州安慶江寧等府分巡廬鳳潁道河
南直隸布政使巡撫湖北安徽入爲都察院副都御

史工部侍郎在大興日部民阿青恣橫一日方理堂
事突入攫人公曰鼠輩敢爾縣令尚可爲哉卽關署
屏捕之鞠其奸狀境內肅然縣故有隱糧一案公白
京兆發之藩司不悅方以他事去公在廷有白公冤
者特擢河南鄧州知州鄧旁邑巨盜張連臂力絕
人吏不敢捕公召警曰退役以計擒而致之旁邑坐
弛再脫公復以計擒之副使廬鳳時境有飛蝗公禱
於神自率鄉農撲捕忽有蟲似蝗而黑雜處蝗中三
日嚙蝗爲盡咸謂公誠感所致嘗自爲捕盜捕蝗二

切問齋集卷十

望

記志其事其自楚移皖或挾千金追送江干麾之不
去公慮儻從爲奸自坐鷓首諭之視其舟去遠乃已
所轄鳳廬泗滁連歲災祲公念新舊並徵民力必困
分年帶完民賴蘇息又以江表重地武備最急日坐
箭道分番練習一時營伍皆嫻於藝方是時皆以公
敷歷有年行駸駸大用矣果入叅臺憲晉佐司空公
感激遭逢益圖自效如弛富戶囤積之禁酌命盜處
分之條核下江收漕之制有見輒陳不敢緘隱旋以
兩親尚在淺土特疏陳請遂得蒙恩卜葬並許歸

田自公解組之後惟以經書督課諸孫不問外事中
間詣闕祝嘏者再恭迓 鑾輅者三 天章宸翰
藤杖如意文綺佩囊之賜稠疊里門不可勝紀居平
益以盛滿爲戒潔清之操晚節彌勵菜羹蔬食不異
貧寒蓋仕宦京外者二十餘年退養林泉者亦二十
餘年公旣貴顯讓宅於從父兄弟而自卜居於吳興
之南溇其卒之年距生於康熙庚申享年八十有七
配孫夫人子二人儀薰國子監生葵貢生皆先公卒
孫三人墀城塏皆國子監生女二人孫女二人皆適
士族曾孫男女十四人子於公爲鄉後學墀又姻也
以公隧道之文來請因敘其世次歷官行誼而系以
銘銘曰

切問齋集卷十

望

范由宋啟族爲吳望監簿子孫麻源再創公繼厥聲
於宗有允進樹勳猷退懷廉讓始礪詞鋒旋剗利器
屈服市魁齟齬大吏治不爲武盜以瞽致歲不能災
蟲以類噬餒公寬其征誰弛什伍公練其兵旣長諫垣
誰迫饑餒公寬其征誰弛什伍公練其兵旣長諫垣
游司邦土剔弊釐奸卽事條舉業著鼎鐘榮辭簪組

潯溪之濱來歸啟宇普天同歡

聖母萬壽公再趨朝麗眉皓首

帝詔考成陟遊巖阜追媿唐賢得公而九自還初服

三迓 鑾輿便蕃寵錫照耀衡閭公戒驕溢益慎德

隅閉門却掃樂此桑榆溯公名德累世相承衣冠蕃

衍迨公復興園以義高山以賜稱幽堂對啟銘示昆

仍

切問齋集卷十

三

公

公與園以義高山以賜稱幽堂對啟銘示昆

公與園以義高山以賜稱幽堂對啟銘示昆

公與園以義高山以賜稱幽堂對啟銘示昆

公與園以義高山以賜稱幽堂對啟銘示昆

公與園以義高山以賜稱幽堂對啟銘示昆

公與園以義高山以賜稱幽堂對啟銘示昆

奉政大夫保德州知州錢公

錢於江浙間遠有代緒在震澤者尤以孝謹績學著其施於官亦切要公勤與巧吏所爲者異余交大培及見其先人數峯先生之政事故辭而表之先生諱之青字恭李數峯其號也宋開國公愷裔孫四世祖穎遜曾祖夢卜祖霑皆載邑孝行文苑志中考稽早卒先生爲遺腹子生而孤露卒能自立乾隆丙辰舉於鄉充咸安宮教習期滿得山西寧武縣寧武介雁門大同之間明末遇闖賊李自成之亂總兵周遇吉闔門殉難史言城破巷戰以死先生徧訪故老乃言危迫絕城語賊獨殺遇吉以全百姓賊脅降不從磔死百餘年來未入祀典屢言之上官請於朝竟得如例輿情大悅調榆次修復水利增築清晏豐樂諸堤保障田廬有疑獄不決夜詣關聖廟虔禱縛囚於前夜半囚自叱何不實說遂吐實人以爲神陞朔州州自併衛於州人皆土著而額賦相懸猶仍其故方籲請立法均平會遷保德未就貽詩後任引爲缺憾保德城臨大河怪石夾岸地有天橋尤嶮絕

木商浮筏至此觸石漂解無賴乘機剽掠往往爲患
又外接蒙古人馬經行山巔雨久路絕則舍陸從舟
覆溺相隨先生擒治草竊開鑿峻坂行旅賴以安全
方金川用師時或議勸民輸餉先生持不可曰無事
食

君之祿有事卽派民間耶歲餘川酋款服軍需悉發
帑金入盡感服自榆次後三遇軍興資糧馳馬無闕
於供百姓高枕安臥不知大兵之過境其政事卓卓
皆此類學以主敬爲本涵養純粹發爲吟詠皆根至

切問齋集卷十

望

理非強爲韻語以隨時者余嘗序先生之集而其出
處本末未之暇論乾隆五十年乙巳大培將爲學博
過余長沙官署去先生之葬二十餘年矣念此後無
復有及見先生之人能道先生之事者爲之文使歸
而鐫諸墓道之左且爲銘曰

闡然君子道日章施於有政治效昌表闡徵獻忠實
彰摘伏平險人悅康所至與民作藩牆過師席上塵
不揚拂衣辭祿歸故鄉徜徉草澤歌虞唐良治爲裘
世不忘明珠出海胎前光范隅馬鬣松柏蒼靡石刻

銘聲炳琅猗嗟先生此其藏

切問齋集卷十

吳



...我聞大父... 德... 公... 夫... 子... 五... 八... 長... 為... 氏...
...又... 為... 叔... 祖... 字... 公... 又... 次... 為... 西... 叔... 祖... 壽... 公... 也...
...左... 叔... 祖... 壽... 公... 也... 公... 上... 事... 曾... 大... 父... 母... 及...
...也... 其... 按... 我... 先... 考... 考... 年... 及...
...心... 慙... 其... 而... 使... 公... 之...
...也... 其... 考... 考... 年... 及...
...未... 大... 考... 考... 年... 及...
...已... 大... 培... 將... 為... 學... 也...
...十... 餘... 年... 矣... 念... 此... 後... 耶...
...及... 見... 先... 生... 之... 人... 說... 道... 先... 生... 之... 事... 者... 為... 之... 文... 使... 耶...
...也... 謂... 道... 之... 左... 日... 為... 銘... 曰...
...然... 矣... 子... 道... 曰... 章... 地... 於... 有... 政... 治... 效... 昌... 表... 闕... 徵... 獻... 忠... 實...
...也... 伏... 乎... 險... 人... 世... 康... 所... 至... 與... 民... 作... 濟... 濟... 過... 而... 忠... 且... 盡...
...不... 堪... 披... 衣... 辭... 履... 歸... 故... 鄉... 徇... 往... 寧... 溘... 坎... 與... 再... 長... 治... 為... 公...
...能... 教... 賦... 歌... 詩... 禮... 樂... 盡... 其... 藏... 也... 馬... 斃... 於... 相... 臺... 磨... 石... 如...

...能... 教... 賦... 歌... 詩... 禮... 樂... 盡... 其... 藏... 也... 馬... 斃... 於... 相... 臺... 磨... 石... 如...

補公五叔祖金聲公墓表

子家鄉曲去隅累世潛德弗耀獨以孝謹樸勤著聞
閩鄙迨我曾大父廣生公生丈夫子五人長爲我大
父贈登仕郎晉贈承德郎公衡公次爲二叔祖嘉績
公又次爲三叔祖安宇公又次爲四叔祖嘉珍公其
季則五叔祖金聲公也金聲公上事曾大父母及其
諸兄事遠不逮聞見不能具述其接我先考贈奉政
大夫公以及於予則皆爲身被而心感其可使公之
德無徵於後乎初曾大父母兩殯在堂先考實爲冢

切問齋集卷十

七

孫力弗能葬公首先出資身任其事昆弟有不克襄
助者弗校也所居廳屋五楹歲久頽塌羣從視爲公
產莫肯加葺公積奇贏歲致瓦甍木石卒以鼎新大
父遊京師歸病不能起藥餌棺衾之費先考赤手支
吾僅而無憾久則益困於貧走四方求食當是時親
戚無一人顧而問者公獨撫慰懇摯視我母陳太宜
人如子婦周給薪米不倦先考緣是無內顧憂洎謁
選還里又公資道里之需其後余自京師奉先考喪
歸公尚健飯無恙服闋赴補日送予登舟旣遠乃返

蓋公雖不習儒業而望子弟之讀書自立甚於飢渴
其時祖宗忠厚之意已衰惟公始卒不變親見子父
子先後入仕官雖卑其意驩然自負有先見焉長孫
棠循謹慎默爲文字粗有識解余謂公必食報於此
子挾之北來親爲講授留二年竟以疾卒於邸寓嗚
呼天之報施善人固有時而或爽耶公諱鍾以康熙
十八年八月六日生乾隆二十四年正月十九日卒
年八十歲配叔祖母許氏繼配吳氏仁慈婉嫕志行
與公相協子二人長從叔父汝先卒次從叔父澍生

切問齋集卷十

哭

棠及森棠旣客死兩世皆以單傳旣葬公於最角圩
之五年始爲追敘其事表諸墓以志余哀焉
十八年八月六日生乾隆二十四年正月十九日卒
年八十歲配叔祖母許氏繼配吳氏仁慈婉嫕志行
與公相協子二人長從叔父汝先卒次從叔父澍生
棠循謹慎默爲文字粗有識解余謂公必食報於此
子挾之北來親爲講授留二年竟以疾卒於邸寓嗚
呼天之報施善人固有時而或爽耶公諱鍾以康熙
十八年八月六日生乾隆二十四年正月十九日卒
年八十歲配叔祖母許氏繼配吳氏仁慈婉嫕志行
與公相協子二人長從叔父汝先卒次從叔父澍生

不靜學進先生墓表

先生姓進諱尚志字倍功先世中州人宋南渡時遷江南爲吾邑著姓明有諱霖者以孝友力穡起家私諡愨惠處士先生之五世祖也考文英字燁爍妣曹氏先生生而質敏與族兄雲龍字廣若切劘行業後雲龍以博學鴻詞徵間爲諸侯賓客交遊滿天下而先生一畝之居蓬蒿翳如聲施不出閭域獨與先君子爲淡水交歲時談藝茗甌草具連日夕不去里人目爲迂生余年十一先君將遊都下命余問業先生

切問齋集卷十

哭

之門自是執經五年凡余童時誦讀之書皆先生所授也所居里名莘塔比鄰十餘皆其族姓宅外雜植竹木桑榆顏其室曰靜念囑先君以隸字寫之後十餘年益究心濂洛諸儒之書謂余近知禪陸之非靜念適墮彼術當乞尊公易寫靜學二字時先君宦遊三晉聞之歎賞卽日易書以寄然而先生之造詣可窺矣居恆閉關不見一人偶爲小詩則與僧德亮倡酬德亮者沈文愨公方外之友所謂雪牀者是也蓄書不甚多皆精整完潔手自丹黃於天文星象三禮

之圖用功尤深歿後散軼無傳惜哉年五十有四配
許氏孝敬慈惠和而克莊子友筠早卒友篋友笠奔
走衣食不竟其學所屬望者庶幾在筠之子裕乎懇
惠所遺祀田在舍南半里餘方余從遊時有地師言
以爲窀穸則大吉先生創議積奇贏立宗祠郵書雲
龍爲之記曰吉則均蒙其庥不可以私一人嗚呼凡
我所言雖篋與笠不及知况裕等不逮事耶乾隆丙
申距其卒二十五年矣將葬遂舉其辭以屬裕使礱
石而表諸墓

切問齋集卷十

五

切問齋集卷第十終

